



Broj: 16-12-16-2-4353-~~4~~ /16
I. Sarajevo, 22.08. 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama („Službeni glasnik BiH”, broj 39/14), na preporuku Komisije I za nabavke za potrebe Državne agencije za istrage i zaštitu u 2016. godini, broj 16-12-16-2-4353/16 od 12.08.2016. godine, u postupku javne nabavke sistema za suho gašenje požara za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku sistema za suho gašenje požara za potrebe Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2016. godini broj 16-12-16-2-4353/16 od 12.08.2016. godine i ugovor za javnu nabavku sistema za suho gašenje požara za potrebe Državne agencije za istrage i zaštitu dodjeljuje se ponuđaču „Proving inžinjering“ d.o.o. Sarajevo, ponuda broj 16-12-16-2-4353-3/16 od 25.07.2016. godine, za ponudenu cijenu 20.936,00 KM bez uračunatog PDV-a.

Član 2.

Ponuđač iz člana 1. ove odluke obavezan je ugovornom organu, u roku od pet dana od dana prijema ove odluke, dostaviti dokaz o ispunjavanju uslova iz tač. 3.1.1. Konkurentskog zahtjeva (original ili ovjerena kopija).

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

Obrazloženje

Odlukom direktora Agencije broj 16-12-16-2-4353-1/16 od 05.07.2016. godine, pokrenut je postupak javne nabavke sistema za suho gašenje požara za potrebe Državne agencije za istrage i zaštitu (u daljem tekstu: Agencija), putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-1-567-3-38/16 od 12.07.2016. godine. Procijenjena vrijednost nabavke je 31.600,00 KM bez uračunatog PDV-a, a za što su novčana sredstva obezbjeđena u okviru budžetskih sredstava za 2016. godinu.

Komisija I za nabavke za potrebe Agencije u 2016. godini (u daljem tekstu: Komisija) dostavila je Izvještaj o radu broj 16-12-16-2-4353/16 od 12.08.2016. godine sa preporukom o izboru najpovoljnijeg ponuđača u postupku javne nabavke sistema za suho gašenje požara za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 26.07.2016. godine do 13,00 sati, te da se ponude dostavljaju u zatvorenoj koverti, Komisija je dana 26.07.2016. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene dvije ponude i to:

Redni broj.	Naziv ponuđača	Ukupna cijena (bez PDV-a)
1.	„Proving inžinjeriing“ d.o.o. Sarajevo	20.936,00 KM
1.	„Bosnien Business Systems“ d.o.o. Sarajevo	29.935,50 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđači „Proving inžinjeriing“ d.o.o. Sarajevo i „Bosnien Business Systems“ d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da navedeni ponuđači ne uživaju preferencijalni tretman domaćeg, te da ispunjavaju formalno-pravne uslove iz Konkurentskog zahtjeva.

Komisija je u cilju ocjene tehničkih uslova navedenih u Konkurentskom zahtjevu aktom broj 16-12-16-2-4353/16 od 26.07.2016. godine tražila od Sektora za operativnu podršku da izvrši uvid u pristigle ponude i dostavi stručno mišljenje u pogledu ispunjavanja tehničkih uslova traženih Konkurentskim zahtjevom. Sektor za operativnu podršku je aktom od 01.08.2016. godine konstatovao da dostavljene ponude zadovoljavaju tehničke uslove tražene Konkurentskim zahtjevom.

Prilikom ekonomske ocjene dostavljenih ponuda, Komisija je konstatovala da je cijena ponude ponuđača „Proving inžinjeriing“ d.o.o. Sarajevo za više od 20% niža od cijene ponude ponuđača „Bosnien Business Systems“ d.o.o. Sarajevo, te je u smislu odredbe člana 17. stav (7) tačka b) Uputstva za pripremu modela tenderske dokumentacije („Službeni glasnik BiH“, broj 90/14) od ponuđača „Proving inžinjeriing“ d.o.o. Sarajevo tražila objašnjenje neprirodno niske cijene. Ponuđač „Proving inžinjeriing“ d.o.o. Sarajevo je aktom od 04.08.2016. godine konstatovao da je cijena formirana na osnovu cijene opreme i materijala uvećane za iznos vrijednosti procijenjenih radova, te da je ponuđena cijena posljedica velikog iskustva inžinjera i servisera na poslovima zaštite od požara, kao i činjenice da je navedeni ponuđač direktni uvoznik opreme.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 9. Konkurentskog zahtjeva, i sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj.	Naziv ponuđača	Ukupna cijena (bez PDV-a)
1.	„Proving inžinjering“ d.o.o. Sarajevo	20.936,00 KM
2.	„Bosnien Business Systems“ d.o.o. Sarajevo	29.935,50 KM

Nakon provedenog postupka ocjenjivanja dostavljenih ponuda, Komisija je utvrdila da je ponuda ponuđača „Proving inžinjering“ d.o.o. Sarajevo ocijenjena kao najpovoljnija, da ne premašuje procijenjenu vrijednost javne nabavke i da ista ne podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se ugovor o javnoj nabavci sistema za suho gašenje požara za potrebe Agencije dodijeli ponuđaču „Proving inžinjering“ d.o.o. Sarajevo, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču 2x,
- Sektoru za mat.-fin. poslove,
- a/a.

